

Shet shugýlasy



Shet aýdandyq qoǵamdyq-sarasi gazetini Gazet 1937 jyldan bastap shyǵady beisenbi, 16 qanar 2025 jyl №02 (11 147)

Лудан әкімдігінде

НАҚТЫ ТАПСЫРМАЛАР БЕРІЛДІ

Сейсенбі, 14 қаңтар күні аудан әкімі М.Мұхтаровтың төрағалығымен кезекті кеңейтілген аппарат отырысы болып өтті.

Күн тәртібінде 2024-2025 жылдары қыс мезгілінде елді мекендердің автокөлік жолдарының дайындығы және қауіпсіздігін қамтамасыз ету мен ағымдағы жағдай: қысқы жылу беру маусымының өту барысы, халықты коммуналдық-тұрмыстық көмірмен қамтамасыз ету, әлеуметтік маңызы бар азық-түлік тауарларының бағалары, сондай-ақ, БАҚ және әлеуметтік желілерде жүргізілген ақпараттық жұмыстар туралы мәселелер қаралып, тиісті сала басшылары осы кезеңде атқарылып жатқан жұмыстары жөнінде хабарламаларын жасады.

Отырыста аудан әкімі аудандық Жастар ресурстық орталығының басшысы болып тағайындалған Ибрайкин Мадияр Қанатұлын таныстырып, алдағы жұмысына сәттілік тіледі.

Отырыста сала басшыларының хабарламаларын қорытындылаған аудан әкімі қыс мезгілін-



де елді мекендердегі көлік жолдарының дайындығы және қауіпсіздігіне қатысты бірқатар ескертулер жасап, елді мекендерде осы жұмыспен айналысып жатқан мердігерлер жөнінде және олардың қанша техника жұмылдырып жатқандығы туралы толық ақпараттың жоқтығын айтып, келесі аппарат отырысында бұл мәселені қайта қарау керектігін және отырысқа толық ақпаратпен дайындалып келуді тапсырды.

Қысқы жылу беру маусымы қалыпты өтуде, дегенмен бақылауда ұстап, қадағалап отыруды атап өтті.

Сонымен қатар, бөлім басшылары, әкімдер жоспарларын жыл басынан белгілеп, соған байланысты атқарып жатқан жұмыстары бағалануы тиістігін және бұл өз кезегінде мамандардың да жауапкершілігін арттыратынын атап өтті.

Отырыста сондай-ақ, қаржы игеріміне, көмір бағасына қатысты, бұқаралық ақпарат құралдары мен әлеуметтік желілердегі жұмыстар талқыланып, сала басшыларына нақты тапсырмалар берілді.

Өз тілшімізден.

Бөрекедi!

КЕНТТЕ ЖАҢА САУДА ОРТАЛЫҒЫ АШЫЛДЫ

Жуырда Ақадыр кентінде «DAULET» сауда орталығы өзінің тұтынушыларына есігін айқара ашып, кент тұрғындары үшін үлкен мерекеге айналды. Соңғы үлгіде салынған сәулетті құрылысты аудан көлемінде ең ірі сауда орны екенін атап өткеніміз жөн. 1 800 шаршы метрді құраған жаңа нысанға 500 миллион теңге инвестиция құйылды. Зәулім ғимараттың иелері Қайранбековтер отбасы. Осыдан үш жыл бұрын мемлекет тарапынан жер алып, құрылысты бастаған еді. Супермаркет тұтынушыларына

десі жоқ ірі сауда орыны бой көтеріп отыр.

Салтанатты ашылу шарасында Шет ауданы әкімінің орынбасары О.Стыбаев, көрнекті жазушы, Қазақстан Жазушылар одағының мүшесі Ө.Көріпұлы, ауданымызға белгілі азамат, ұлағатты ұстаз Қ.Абилов жиналған қауым алдында сөз сөйлеп, құттықтауларын арнады. Тұсаукесерде елімізге белгілі айтыс ақыны, «Алтын домбыра» иегері Мақсат Аханов мерекелік шараны арнауымен ашты. Ақынның арнауында ғимараттың құрылысына көмек



азық-түлік, көкөніс пен жеміс-жидек, тұрмыстық және жуғыш заттарын ұсынатын болады. Оларға 30-ға тарта адам қызметтерін көрсетеді деп күтілуде.

Ерлі зайыпты Мұрат және Алмаш Қайранбековтер кәсіптерін өткен ғасырдың 90-шы жылдары бастаған болатын. Бас кезінде ашық даладағы базарда ұсақ-түйек сатумен айналысып, кейін пәтер сатып алып оны азық-түлік дүкеніне бейімдеген. Уақыт өте «Серік» тойханасын, супермаркетін, «Вояж» атты сән салонын салды. Үлкен ғимаратты меншікке алып, «Сұңғат» сауда орнын ашты, бұрынғы дүкені көкөніс пен жеміс-жидек сатуда. Енді міне, кәсіптерін кеңейту мақсатында кентімізде бетке ұстар кәсіпкерлер тарапынан аудан бойынша тең-

беріп, үлесін қосқан азаматтардың барлығының еңбегі жеке аталып өтті. Лента кесу рәсімі аяқталған соң, шараға қатысушылар супермаркет ішін аралап көріп, саудаларын жасады.

Шара барысында мерекенің иелері атынан жиналған жұртқа лотерея ойыны ұйымдастырылды. Ұтыс сапында «Айфон» телефондары, мұздатқыштар, шаңсорғыштар, қысқатолқынды пештер, газ плиталары, тағы басқа тұрмыстық заттар болды. Лотерея ойынынан жүзге тарта адам ұтыс иелері атанып, шат-шадыман көңілге бөленді. Мерекенің соңында шараға қатысушыларға «Серік» тойханасында ас беріліп, құран бағышталды.

Қалижан БЕКҚОЖА, Ақадыр кенті.

Жәрмеңке



ҚОЛЖЕТІМДІ БАҒА, САПАЛЫ ӨНІМ



Ауылшаруашылық жәрмеңкесі тұрғындар үшін өте тиімді, бағасы да қолжетімді болады. Жуырда Ақсу-Аюлы ауылында ауыл шаруашылық жәрмеңкесі өтті. Бұл жолғы жәрмеңке аудан орталығындағы сапаржай маңында болды.

Жәрмеңкеде ауылшаруашылығы өнімін өндірушілермен қатар, Қарағанды қаласынан жеке кәсіпкерлер де қатысып, тауарларын ұсынды. Тауық еті мен кепкен жеміс-жидектер, киім-кешектер және ауыл шаруашылығының басқа да

өнімдері молынан ұсынылып, тұрғындар үшін табиғи, әрі сапалы азық-түлікті қолжетімді бағамен сатып алуға мүмкіндік болды.

Жәрмеңкені ұйымдастырған ауыл әкімдігіне тұрғындар ризашылықтарын білдіріп жатты.

Өз тілшімізден.